



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Wie't ontfanghen moet/ ende met wat bereydsel.

urn:nbn:de:hbz:466:1-39385

comenheydt om lijnen byanden te weder-staen/
ende andere dinghen te doen/die eenen vol-comen
man toe-behooren: Al-soo oock worden wy deur
t'Doopsel kinderen Godts ghebozen: maer in't
Doopsel/worden wy mans in de Christenheydt.
Ghelyck de H. Apostolen wesende ghedoopt/
vloten in den tijdt des lijdens Christi: maer heb-
bende ontfanghen den H. Gheest op den Sijpen-
dagh / hebben onverbaest gheweest / ende ver-
blijdt in haer eyghen lijden / ende in alle vervol-
ginghe.

M. Wat doet ons dit Sacrament noch?

D. Het druckt in de siele een gheestelijck teecken/
dat in ons al-tijdt blijft / ende daer-om en magh-
men't sonder sacrilegie maer eens ontfanghen.
Ghelyck oock niet en magh het Sacrament des
Doopsels ende des Priesterdoms / om de selue
redene.

M. Wie moet dit Sacrament ontfanghen?

D. Alle Christene menschen / die bequaemigheydt
hebben / ende soo verstandigh zijn dat sy hun con-
nen biechten. Ende hier toe zijn sy in tijdt van
noode / (ghelyck't nu is alser vele ketterijen reg-
neren) sonderlingh verbonden.

M. Hoe moet-men hem bereedt maecken, om
dit t'onfanghen?

D. Men moet maecken / inden staet van gra-
tien te wesen: ende daer-om moet-men hem
biechten / in-dien men in eenighe dood-sonde
is / oft ten minsten op-recht berouw daer af
hebben.

Van